

SIGNURUZZU FACITI BON TEMPU

E Signuruzzu miu faciti bon tempu,
haiu l'amanti miu 'mmenzu di lu mari,
l'arvuli d'oru e li 'ntinni d'argentu,
la Marunnuzza mi l'havi a jutari.

Chi pozzanu arrivari 'nsarvamentu!
Comu arriva 'na littra m'ha' fari,
ci ha' mettiri du' duci paroli,
comu ti l'ha passatu mari mari.

Assira nna ddu lettu era curcata,
e Pippinedda chi cuntava l'uri.
E l'acqua chi chiuvia era jlata.
Comu ti la passasti, amuri amuri?